



Lanfant Fecit

ILLVSTRISSIMO NOBILISSIMOQVE DOMINO D.
IOANNI DE RIEVX
 MARCHIONI D'ASSERAC.



ANTIQVORVM sollemnis ritus fuit, MARCHIO ILLVSTRISIME, ut conuersis in Orientem oculis, sacrorum suorum auspicarentur initia, & sanè quis non dederit Antiquitati veniam, si primis aspectibus salutauit Orientem, cum nihil ostenderet Naturæ theatrum speciosius orientis Solis spectaculo, nihil quod hominum religionem magis alliciat; publicis itaque ac solemnibus votis Thebes meas consecraturum, tibi quæ multis nominibus additum admonui prisca consuetudo, nec aliunde petenda auspicia, nec oculos aliud conuertendos, quàm in Te ipsam primo atatis Oriente spectabilem, jamque erumpentibus optima indolis radiis, & antiquo Majorum splendore coruscantem: Iis quippe Aus Proauisque genitus es, MARCHIO ILLVSTRISIME, qui Ducum, Regum etiam titulo usantur Americæ famulo cum imperio tenuere: Ea, inquam, est Rioxensis Stirpis origo, quæ primæ Regum nostrorum Familiæ coæua, & longâ seculorum canitie venerabilis, Borbonij insuper accessione & reciprocatione Sanguinis Heroas peperit ad omnem posteritatem memorandos. Micant in Annalium monumentis inextincta Sydera Raulfus, Guilielmus, Claudius, Rolandus, præditi omnes Romano pectore: Sed latè Nominis sui splendorem explicat PETERVS DE RIEVX Regni Gallici non tam Marecallus, quàm Restaurator & Vindex, qui Carolum septimum Delphinum, seuientibus Aurelianensium & Burgundionum discordis eripuit, pretiosumque populis Caput singulari fide restituit, inuicti fortitudine sospitauit, armis etiam animisque cum Puella Aureliacâ conjunctis, Anglos in Gallorum perniciem conjuratos, & ipsa Regni præcordia lacerantes, non Aureliis modò, sed Gallie finibus expulsi, æternamque meritum suorum memoriam posteris reliquit, virtutum verò imaginem nulla temporum fuligine violandam. Equidem nobilissima Prosapie laudes prolixius persequi studium dulce, sed intra Epistolæ angustias cogi nequit tot illustrium Avorum numerosa gloria. Vnum addam quod sine piaculo præterire non possum; nascendi scilicet felicitatem cumulat ornatissima Parens & ipsa Rioxensis propago sanguinis, quæ communem mulierum conditionem longè prætergressa, mentis celsitudinem cum morum comitate, temperantiam cum opulentia, pietatem cum vrbantate, vitæ integritatem cum formæ & atatis integritate sociavit. Si naturam igitur vimque seminis arbor redolet, & sanguine propagatur virtus; quis dubitet Te, ILLVSTRISIME MARCHIO, in quem se maternum decus & auitum robur transfudit, jam nunc crescere sustinendis olim Majorum laboribus simul & honoribus. Hæc dum ego Tibi ac inclyta Parenti tue tum obseruantia tum beneficiorum titulo denotissimus & spero & flagrantissimè cupio, Rioxensis interim Nominis decus & gloriam quantâ potero grati animi significatione prædicabo.

QVÆSTIO MEDICA

QVOD LIBETARIIS DISPUTATIONIBVS MANE DISCVTIENDA

IN SCHOLIS MEDICORVM, DIE IOVIS XV. IANVARII.

M. GVIDONE CRESCENTIO FAGON, Doctore Medico, Præsides.

Fit-ne sudor cruentus Naturæ vi?

1161

SV D O R tenue est ac humidum triplicis, quæ in viventibus obitur, coctionis excrementum aquæ instar per cutem actum. Quapropter signa, lapides, ligna, ut aliquando acceptum humorem reddiderint, reuerà non sudarunt; nec enim sanguis, nec sudor, nisi in corpore est. Cibi autem pars aquea, ipsaque epota aqua, minimè quidem ad alendum, sed ad decoquendum alimentum, ac vel in ultimas corporis partes deportandum optimè comparata; si eo functa munere ad vesicam deferatur, vrina; si in corporis summa emergat, sudor est, qui interdum aquæ in modum erumpit, interdum insiti caloris vi solutus exhalatur; sicut vicissim in sudorem plerumque abeunt vapores, extimarum, ad quas appellant, partium frigore coacti. Quin & crudi illius succi, qui carnibus reliquisque particulis suauissimo pastis ad iunginon potuit, liquatusque dilabatur, habet admixtum quid sudor, qui propterea saluus est, quandoque & amarus, ut in Ictericis: Nec rarò foetet, maximè cum à vietis membris, vel ab iis prodiit locis, in quibus ferè trux caper habitat. An certa foeminarum fecunditas, quarum sudor aut re ipsa, aut idcirco bene olet, quia nihil olet?

QV A N T O valentior est cuiusque calor, tantò major est quæ sensum fugit difflatio, pauciorque ex probè coctis alimentis superest qui per cutem extrudatur humor. Si quis tamen inde sanum hominem sudare negat, vix ipse sanæ mentis est. Nec si eadem est vrinae & sudoris origo, hoc cutem continenter diffuere necesse est, quòd illa ad vesicam continenter detrahitur, scilicet pendenti, & è carnis renum papillis in labrum stillanti sero patent directæ ac præcipientes viæ, quas sponte decurrat: Id ipsum quoquo versum excurrans, & ad extremum corpus deductum, non inutiliter subsidet: nec statim effluit, nisi labore mortuæque concitatore, aut si ab iis quies est, caloris ac spirituum impulsu foras projiciatur per apertissima cutis foramina. An iis hyemis, quæ & calor excellit, frigore interclusis, minùs quàm aestate defudamus? Nullus quoque è siccò sudor est; ob eam rem senes, biliosi, peruigiles, qui fusore sunt aluo, qui igni propiores sunt, Soliue ardorem nudi sustinent, minùs sudant; paulò largius, ferèque noctu melancholici, hectici, hydrope vexati, & ceteri quibus inaruerè viscera, nunquam. Ut tantum ad valentes pertineat qui naturalis est sudor: prudenter & arte excitatus à grauissimis morbis vindictæ, calorisque suauitatem tueatur aut afflet: Qui ex morbo est, inanis sit, vel symptomaticus, criticus planè nullus haberi debeat.

AD pernoscendum quid in intimo geratur corpore, habet momenti plurimum, qui per ejus ambitum effunditur humor, habet & effusi humoris color. Nunc enim expediat & valentis, nunc impeditæ dejectæque Naturæ opus est. Frigidus ferè calorem extinguit, qui à cibo fit, ventriculorum inter coquendum laborare denunciat. Neque tamen veritatem id obtinet, vnumquemque, quâ parte sudat, laborare semper. Nec semper solitarium postremæ coctionis recrementum, serosique humoris reliquæ sese inferunt in patentes cutis meatus. Plerumque vnâ cum iis excidunt fœdi humores, quos validus calor se iunxit à sanguine, velut ab auro fecem. Inde vitæ atque industria pallent; interdum virent, albescunt, rubent cruentum sudorem ementita. Etiam vini rubri recens hausti colorem sudor aliquando retulit. Nec semel effecto jecore, perinde ac in demorsis ab Hæmorrhoo, totum corpus fuit pro vulnere, saniesque, siue sanguis nondum satis excoctus, aut corruptus dissolutusque fibris liquefcens, affatim per laxiora cutis spiramenta euasit. Ita quoque nonnullorum febre pestilenti ac variolis infestatorum membra omnia sanguinem, vel certè rutilum pro sanguine virus emisere.

NON solum superflui & inutiles, vitiliter; sed etiam vitiles, & Naturæ vîbus apti humores, ea inuita quandoque sudore dissipantur. Is quo defecti animo madent, non tam sudor est, quàm portio quædam cognati & ad alendum idonei succi, quem extremæ corporis partes, perennis effluuii damna saturæ, ad se inuitat continere nequeunt. Flatus, acre serum, calculus, dum ardentissimum dolorem inurunt, haud valde dissimilem sudorem euocant, vix ante, quam is vniuersus exhaustus sit, finiendum. Incessus celerior, cursus, lacta, balneum, pugna, & ejus generis alia plurima, sudorem multò, quàm quæ perperam dicuntur idroica, certius promptiusque creatura, nonnunquam ab iis, quæ in habitum cutemque desinunt venis & arteriis, liquidum sanguinem exprimunt. Nec modò causarum quæ foris sunt, sed etiam internarum vi exigitur, eoque copiosior manat, quòd harum, quàm illarum, major est efficacia. Ut porro multa sanguinem colliquefacere, cum eoque spiritus jactare & huc illuc impellere valeant; nihil aquæ ac vehementes animi permotiones. Non tot motus, nec tantas, tamque varias fluctuum agitationes habet Euripus, quot ab illis quidquid in corpore fuit; quod manifestè loquuntur suspensus ac incertus vultus, mensque, & toties mutatus, nec vllâ certâ sede manens color.

QU E M A D M O D V M mœrore, metu, pauore perculsorum sanguis penè congelciat, cutem destituit, se seque in intimos cordis sinus recipit cum spiritibus, qui & crassescunt, obsecurantur, torpent, extinguntur; à suis functionibus abscedit anima, corpus consistere nequit, riget, transfixum non sentit: Sie in amore & gaudio, nisi fortè hoc effusum animam exhauiat, sanguis & spiritus; ceu ipsa sunt anima, aut in ipsis tota sit, blandè effunduntur ad lætitiæ autorem quasi complectendum. In irâ, magisque in angore & agone, in quo & vehementes est impulsio, & inordinatus eorum motus, adeo in corde feruent, ebulliunt, ex eoque emissi tanto impetu currunt, suppetias videlicet latrunt instrumentis, quibus, quod stomachum facit, depellatur, ut quocunque penetrent, & tanquam immixta furia, vasorum quibus clauduntur oscula referent, resistent, rumpant, maximè ubi vegetam vim addit temperies, ac ætas florētissima, peruium laxiūque textum corpus nullo vnquam morbo violatum est, lucidi sunt & viuidi spiritus, clarusque sanguis purpureo colore nitet. Quòd si præterea præcellens animus imminētis mali opinione verberatus, suscepto consilio, eoque quod differat ante oculos proposito, seipsum suscitet, & ad firmitatem incendat; si indignissimæ mortis laqueis caput expedire ut cupiat, constanter nolit, ipse sui doloris antagonista; quid procluius quàm ut in eo conflictu, æstuosius inardescens tenuis ac propè ignitus sanguis, venarumque haud amplius pariens, viam sibi per omnes cutis ductus, quasi per riuulos muniat, ab iis que decurrens fatum quodammodo anteuertat? Sic olim maximus Imperator dum periculis metueret, ne quid infidus est, consecratam virginem, impurissimis sicariis ad eam corumpendam aduolantibus, stupri horrore, mundissimum sanguinem è venis ejus, aliòqui tenacissimis per corpus integerrium, sudoris specie cum vitâ profudisse.

Ergo fit sudor cruentus Naturæ vi.

DOMINI DOCTORES DISPUTATVRI.

M. Guydo Crescentius Fagon, Præsides.

M. Iacobus de Bourges.

M. Petrus Legier.

M. Ioannes Hammon.

M. Simon Boulot.

M. Claudius Tardi.

M. Petrus Legier.

M. Ioannes Pietre.

M. Claudius Germain, primarius Reginae Poloniae Medicus.

Proponebat Lutetiæ PETRVS LOMBARD, Heduenfis, A. R. S. H. M. DC. LXV.